

**Մ.ՀԵՐԱՑՈՒ անվան ԵՐԵՎԱՆԻ ՊԵՏԱԿԱՆ ԲԺՇԿԱԿԱՆ
ՀԱՍՏԱՏՄԱՐԱՆ**

ԲԺՇԿԱԿԱՆ ՔԻՄԻԱՅԻ ԱՄԲԻՈՆ

ԿԵՆՍԱԱՐԳԱՎԱԿԱՆ ՔԻՄԻԱ

**Լաբորատոր աշխատանքների
մեթոդական ձեռնարկ**

ԵՐԵՎԱՆ

**Մ.ՀԵՐԱՑՈՒ անվ. ԵՊԲՀ հրատարակչություն
2012**

**Մ.ՀԵՐԱՑՈՒԻ անվան ԵՐԵՎԱՆԻ ՊԵՏԱԿԱՆ ԲԺՇԿԱԿԱՆ
ՀԱՍՏԱՏՄԱՐԱՆ**

ԲԺՇԿԱԿԱՆ ՔԻՄԻԱՅԻ ԱՄԲԻՈՆ

**Մ.Մ. ՄԵԼՔՈՆՅԱՆ, Ս.Ա. ԿԱՐԱՊԵՏՅԱՆ,
Ա.Լ. ՄԱՆՈՒԿՅԱՆ**

ԿԵՆՍԱՕՐԳԱՆԱԿԱՆ ՔԻՄԻԱ

**Լաբորատոր աշխատանքների
մեթոդական ձեռնարկ**

**ԵՐԵՎԱՆ
Մ.ՀԵՐԱՑՈՒԻ անվ. ԵՊԲՀ հրատարակչություն
2012**

Հաստատված է բժշկակենսաբանական ճյուղային մեթոդական հանձնաժողովի կողմից

Գրախոս՝ Կենսաքիմիայի ամբիոնի վարիչ, կ.գ.դ.
պրոֆեսոր Մ. Ի. Աղաջանով

Հեղինակներ՝ Մ.Մ. Մելքոնյան, Ս.Ա. Կարապետյան,
Ա.Լ. Մանուկյան: Կենսաօրգանական քիմիա:
Լաբորատոր աշխատանքների մեթոդական ձեռնարկ:
Եր.: Երևանի Մ.Հերացու անվ. պետական բժշկական
համալսարանի հրատարակչություն, 2012, 31 էջ:

Լեզվաբան իմբազիր՝ բան. գ. թ., դոցենտ Հ. Վ. Սուրիասյան

*Մեթոդական ձեռնարկը նախատեսված է բժշկական
բարձրագույն ուսումնական հաստատությունների բոլոր
ֆակուլտետների առաջին կուրսի ուսանողների համար:
Ձեռնարկում ներառված են ուսումնական պլանով
նախատեսված բոլոր լաբորատոր աշխատանքները, որոնք
փորձնական աշխատանքների օգնությամբ նպաստում են
զիտելիքների ամրապնդմանը: Լաբորատոր
պարապմունքներն անհրաժեշտ են ծրագրով նախատեսված
կարողությունները և գործնական ունակությունները
յուրացնելու և ամրապնդելու համար:*

Անվտանգության կանոնները և աշխատանքի կարգը քիմիական լաբորատորիայում

Քիմիական լաբորատորիայում փորձերը կատարվում են տարբեր հատկություններ ունեցող նյութերով: Այդ նյութերը կարող են լինել դյուրավառ, պայթուցիկ, թունավոր և այլն: Երբեմն ամենափոքր անզգուշությունը կարող է մեծ աղետի պատճառ դառնալ: Այս ամենից խուսափելու համար անհրաժեշտ է պահպանել հետևյալ կանոնները.

1. Լաբորատորիայում աշխատել ուշադիր և հանգիստ. Աշխատելիս պետք է խալաթ հագնել:
2. Նախքան փորձը կատարելը՝ յուրացնել տեսական մասը, համապատասխան ռեակցիաները և կատարման ընթացքը:
3. Փորձերը կատարել՝ օգտագործելով միայն մաքուր ամանեղեն (փորձանոթ, սրվակ, կաթոցիկ և այլն):
4. Փակ, սովորական սրվակներում ու փորձանոթներում ոչ մի դեպքում չի կարելի հեղուկներ տաքացնել, քանի որ դրանք կարող են պայթել և լուրջ վնաս հասցնել շրջապատին: Պայթյունից խուսափելու համար հեղուկները պետք է տաքացնել բաց, ջերմակայուն սրվակներում:
5. Նյութերի հոտը որոշելու համար պետք է զազը կամ գոլորշին ձեռքով զգուշորեն մղել դեպի քիթը:
6. Պինդ, բյուրեղական նյութերը վերցնել մաքուր թիակով կամ գդալով:
7. Հեշտ բռնկվող նյութերով (եթեր, սպիրտ, բենզոլ, ացետոն, ծծմբածխածին) փորձ կատարելիս պետք է զգուշանալ հրդեհից. դրանք չտաքացնել կրակի վրա:
8. Ուեակտիվներով լցված բոլոր սրվակների վրա պետք է գրված լինի նյութի անվանումը և անհրաժեշտության դեպքում նաև խտությունը:

Նշված կանոնները պահպանելով հանդերձ՝ բացառված չեն վթարային դեպքերը: Նման դեպքում անհրաժեշտ է տուժողին ցույց տալ առաջին օգնություն: Այդ ուղղությամբ յուրաքանչյուր անձ պետք է իմանա հետևյալը.

1. Հրդեհի դեպքում անմիջապես անջատել գազը, եկեղեցասալիկները, հեռացնել այրվող նյութերը, կրակը կամ բոցը հանգցնել բրդյա

ծածկոցով կամ ավագով, իսկ մեծ հրդեհի դեպքում օգտագործել նաև կրակմարիչը:

2. Զերմային այրվածք ստանալու դեպքում այրվածքը թրջել էթիլ սպիրտի, կալիումի պերմանգանատի, խմելու սողայի լուծույթով կամ ձեթի և ջրի խառնուրդով, վազելին քսել և վիրակապել:
3. Քիմիական այրվածք ստանալու դեպքում այրված մասը պահել արագ հոսող ջրի տակ. եթե թթվով է այրված, մշակել 3%-անոց խմելու սողայի, իսկ եթե ալկալիով՝ այրվածքը մշակել 2%-անոց քացախաթթվի լուծույթով, ապա կրկին ջրով: Երկու դեպքում էլ լվանալուց հետո վնասված տերում քսել այրվածքի դեմ օգտագործվող քսուք:
4. Ապակիով վնասվելու դեպքում արագ ապակեզերծել, արյունը մաքրել էթիլ սպիրտի կամ կալիումի պերմանգանատի լուծույթով թրջված բամբակով և վիրակապել:
5. Մաշկի վրա բրում թափվելիս. լվանալ սպիրտով կամ արծաթի նիտրատի լուծույթով:
6. Բրումի կամ քլորի գոլորշիներ շնչելու դեպքում անհրաժեշտ է ներշնչել սպիրտի գոլորշիներ և դուրս գալ մաքուր օդի:
7. Հազուստը բռնկվելու դեպքում (չպետք է վազել) արագ փաթաթվել ասբեստի վերմակով կամ թաղիքով:
8. Բոլոր դեպքերում առաջին օգնությունից հետո տուժողին պետք է ուղարկել պոլիկլինիկա (բուժկետ):

Քիմիական ամանեղեն և որոշ սարքավորումներ

Քիմիական փորձեր կատարելիս օգտվում են տարբեր տեսակի ամանեղենից և իրերից.

1. հարթահատակ և կլորահատակ կոլբա,
2. կոնաձև և կլորահատակ փորձանոթ,
3. շտատիվ փորձանոթների համար, շտատիվ ռեակտիվների համար,
4. կտուցալոր և անկտուց բաժակ,
5. Վյուրցի և Էռլենմեյերի կոլբա,
6. ժամացույցի կամ առարկայական ապակի,
7. բյուրսեր, հախճապալյա սանդ,
8. սովորական ձագար, բաժանիչ ձագար,
9. չափանոթ, չափագլան, չափիչ արվակ,
10. թիակ (շպատել), գդալ, ապակյա ձողիկ (խառնիչ),

11. Էքսիկատոր, ջրային բաղնիք,
12. կաթոցիկ, բյուրետներ,
13. նրբունելի (պինցետ), լանցետ, ֆիլտրի թուղթ,
14. գազատար խողովակ,
15. լվացող կոլբա, բռնիչ, լաբորատոր շտատիվ:

Նշված իրերը ցուցադրել ուսանողներին առաջին գործնական պարապմունքի ժամանակ: Փորձերը կատարվում են քիչ քանակությամբ նյութերով, փորձանոթի պարունակությունը խառնելիս չթափահարել վերուվար, այլ զգուշությամբ շարժել: Քանակական փորձեր կատարելիս կիրառվում են տեխնիկական և անալիտիկ կշեռքներ՝ $0,01q$ - $0,0001q$ ճշտությամբ:

Նյութերը մաքրելու համար օգտագործում են ֆիլտրում, վերաբյուրեղացում և թորում (թորման սարքի օգնությամբ):


Լաբորատոր աշխատանք 1

Օրգանական նյութերի օքսիդացումը, օրգանական նյութերի թթվահիմնային հատկությունները

Նպատակը.


1. Ոսումնասիրել օրգանական միացությունների օքսիդացման և վերականգնման ունակությունը: Օքսիդացումը և վերականգնումը հաստատուն (հիմնարար) հատկություններ են, որոնք պայմանավորում են կենդանի օրգանիզմում ընթացող ռեակցիաների մեծ մասը:
2. Զնավորել գիտելիքներ օրգանական միացությունների թթվայնության և հիմնայնության վերաբերյալ՝ որպես կարևորագույն հատկություններ, որոնք որոշում են կենդանի օրգանիզմում ընթացող ռեակցիաների մեծ մասը:

Փորձ 1. Տողուոլի օքսիդացումը: Բենզոլի հոմոնդները, ի տարբերություն բենզոլի, օքսիդանում են $KMnO_4$ -ով: Անկախ ռադիկալների մեծությունից՝ արոմատիկ ածխաջրածինների հոմոնդների օքսիդացումից ստացվում են համապատասխան կարբոնիլային միացություններ: Օքսիդանում է կողմնային շղթայի α -ի ատոմը մինչև $COOH$ խումբ, և անկախ շղթայի երկարությունից՝ ռեակցիայի հիմնական արգասիքը բենզոյական թթուն է:
Բենզոլային օղակում գտնվող յուրաքանչյուր կողմնային շղթա, անկախ երկարությունից, օքսիդացման վերջնական արդյունքում փոխարկվում է կարբոքսիլ խմբի: Օր.




Ռեակտիվներ. տոլուոլ, $KMnO_4$ -ի 2 %-անոց լուծույթ, H_2SO_4 -ի 10 %-անոց լուծույթ:

Օքսիդացումն ընթանում է ըստ հետևյալ ռեակցիայի.



Փորձի ընթացքը: Փորձանորի մեջ լցնել 10 կարգի ջուր, 6 կարգի կալիումի պերմանգանատի 2%-անոց լուծույթ և 3 կարգի H_2SO_4 -ի 10%-անոց լուծույթ: Ավելացնել 3-4 կարգի տողուոլ, թափահարել, ապա տաքացնել: Նշել սկզբնական լուծույթի գույնի փոփոխությունը:

Փորձ 2. Օլեինաթթվի օրսիդացումը: Օլեինաթթուն, շնորհիվ կրկնակի կապի, ալկենների նման օրսիդանում է $KMnO_4$ -ի ջրային լուծույթում առաջացնելով դիոլ:




Ուեակտիվներ՝ օլեինաթթու, $KMnO_4$ -ի և Na_2CO_3 -ի լուծույթներ:

Փորձի ընթացքը: Փորձանորի մեջ լցնել 4 կարգի օլեինաթթու, ավելացնել 4 կարգի Na_2CO_3 -ի 5%-անոց լուծույթ և 4 կարգի $KMnO_4$ -ի 2%-անոց լուծույթ: Փորձանորը թափահարել մի քանի անգամ: Նշել լուծույթի սկզբնական գույնի փոփոխությունը:

Փորձ 3. Պրոնձի գլիցերատի ստացումը: OH -խումբը ունի $-I$ էֆեկտ և կարող է ցուցաբերել էլեկտրոնակցեպտոր ազդեցություն հարևան OH խմբի հանդեպ: Արդյունքում բազմատու սպիրտները օժտված են ավելի բարձր թթվայնությամբ, քան միատու սպիրտները: Դրա ապացույցն է բազմատու սպիրտների փոխազդեցությունը որոշ ծանր մետաղների հիդրօքսիդների հետ, օրինակ թարմ պատրաստված $Cu(OH)_2$ -ի հետ:


Հետևյալ ռեակցիայի միջոցով հայտնաբերում են այն միացությունները, որոնք ունեն երկու հարևան դիրքերում գտնվող հիդրօքսիլ խմբեր:



Ուեակտիվներ՝ գլիցերին, 2 %-անոց $CuSO_4$, 10 %-անոց $NaOH$:



Փորձի ընթացքը: Փորձանորի մեջ լցնել 4-6 կարգի նատրիումի հիդրօքսիլի 10%-անոց լուծույթ և ավելացնել նույնքան պրոնձի

սուլֆատի 2%-անոց լուծույթ: Ստացվում է պղնձի հիդրօքսիդի երկնագույն դոնդողանման նստվածք: Առաջացած խառնուրդին ավելացնել 4-6 կաթիլ գլիցերին և թափահարել: Դոնդողանման զանգվածը լուծում է, գոյանում է վառ կապույտ լուծույթ: Այս ռեակցիան ցույց է տալիս գլիցերինի թույլ թթվային հատկությունը: Ստացված լուծույթը տաքացնել մինչև եռալը. լուծույթի գույնը պահպանվում է, քանի որ պղնձի գլիցերատը չի քայլայվում: Պղնձի սուլֆատի հիմնային լուծույթը (Գայնեսի ռեակտիվ) կիրառվում է կլինիկական լաբորատորիայում մեզի մեջ զյուկողը հայտնաբերելու համար: Այս դեպքում վառ կապույտ լուծույթը տաքացնելիս առաջանում է Cu_2O -ի աղյուսակարմիր նստվածք, քանի որ կա ալղեհիդային խումբ, որն օքսիդանում է Cu^{2+} -ի կոմպլեքսով.



Փորձ 4. Նատրիումի ֆենոլատի ստացումը և բայրայումը թթվով

Շնորհիվ բենզոլային օղակի էլեկտրոնակցեպտոր ազդեցության և $p-\pi$ գուգորդման՝ OH -ի ջրածինը շարժուն է, իսկ համապատասխան ֆենօրսիդի իոնը կայուն է, այդ պատճառով ֆենոլը օժտված է ավելի բարձր թթվայնությամբ, քան միատում սպիրտները: Դրա ապացույցն է ֆենոլի փոխազդեցությունը ալկալու լուծույթի հետ: Սակայն ֆենոլը շատ թույլ թթու է, թույլ է նույնիսկ ածխաթթվից.



Ռեակտիվներ՝ ֆենոլ, NaOH -ի լուծույթ, ջուր և աղաթքու:

Փորձի ընթացքը: 6 կաթիլ ջուր պարունակող փորձանոթի մեջ լցնել ֆենոլի մի քանի բյուրեղ և թափահարել: Առաջացած ֆենոլի պղտոր լուծույթին կաթիլ-կաթիլ ավելացնել 10%-անոց նատրիումի հիդրօքսիդի լուծույթ՝ մինչև նատրիումի ֆենոլատի թափանցիկ լուծույթ ստանալը: Նատրիումի ֆենոլատի վրա 10%-անոց աղաթոռ ավելացնելիս անջատվում է ֆենոլ, որից լուծույթը պղտորվում է:

Փորձ 5. Էթիլ սպիրտի օրսիդացումը քրոմային խառնուրդով
Առաջնային սպիրտների օրսիդացումից առաջանում են ալդեհիդներ, իսկ երկրորդայիններից՝ կետոններ:

Ուշակտիվներ էթիլ սպիրտ, H_2SO_4 -ի 10%-անոց լուծույթ,
 $\text{K}_2\text{Cr}_2\text{O}_7$ -ի 10%-անոց լուծույթ:

Փորձի ընթացքը: Փորձանոթի մեջ լցնել 4 կաթիլ էթիլ սպիրտ, ավելացնել 2 կաթիլ ծծմբական թթվի 10%-անոց լուծույթ և 4 կաթիլ կալիումի դիքրոմատի ($\text{K}_2\text{Cr}_2\text{O}_7$) 10%-անոց լուծույթ: Ստացված նարնջագույն լուծույթը տաքացնել մինչև գույնի փոփոխությունը: Լուծույթը դառնում է կապտականաչավուն (գույնը առաջացնում է քրոմի (III) սուլֆատը՝ $\text{Cr}_2(\text{SO}_4)_3$): Միաժամանակ զգացվում է քացախալդեհիդին բնորոշ փուած խնձորի հոտ:



Լաբորատոր աշխատանք 2

Ալդեհիդներ և կետոններ


Նպատակը.

Ուսումնասիրել կարբոնիլ խումբ պարունակող միացությունների քիմիական հատկությունները, դրանց ռեակցիոնունակությունը և դրանով պայմանավորված՝ կենսաբանական համակարգերում մի շարք ռեակցիաների ընթացքը:


Փորձ 6. Ալդեհիդների օրսիդացումը՝ ռեակցիաները

ա. Մրջնալդեհիդի օրսիդացումը արծաթի նիտրատի ամոնիակային լուծույթով (արծաթահայելու ռեակցիա).






բ. օքսիդացում թարմ ստացված $\text{Cu}(\text{OH})_2$ -ով.




աղյուսակարմիր

Ուեակտիվներ՝ արծաթի նիտրատի 5%-անոց լուծույթ, պղնձի սուլֆատի 2%-անոց լուծույթ, նատրիումի հիդրօքսիդի 10%-անոց լուծույթ, մրջնալդեհիդի 40%-անոց լուծույթ, ամոնիակի 10%-անոց լուծույթ:


Փորձի ընթացքը: ա. Մաքուր փորձանոթի մեջ տեղավորել 4 – 6 կաթիլ արծաթի նիտրատի և նույնքան նատրիումի հիդրօքսիդի լուծույթ: Առաջացած մոխրասն Ag_2O -ի նստվածքի վրա ավելացնել ամոնիակի 10%-անոց լուծույթ մինչև նստվածքի լուծվելը: Այնուհետև ավելացնել 3–4 կաթիլ ֆորմալին և թույլ տաքացնել. փորձանոթի պատերի վրա առաջանում է մետաղական արծաթի փայլուն փառ.



բ. Փորձանոթի մեջ լցնել 5-ական կարիլ ջուր և նատրիումի հիդրօքսիդի լուծույթ, ավելացնել 2 կաթիլ պղնձի սուլֆատի 2%-անոց լուծույթ: Առաջացած նստվածքին ավելացնել 3 կաթիլ ֆորմալին: Խառնուրդը տաքացնել սպիրտայրոցի վրա: Այն արագ վերածվում է արյուսակարմիր նստվածքի՝ պղնձի (I) օքսիդի: Մրջնալդեհիդի ավելցուկի դեպքում պղնձի (I) օքսիդը վերականգնվում է մինչև մետաղական պղինձ (պղնձահայելի).



Փորձ 7. Ջրային լուծույթում ֆորմալդեհիդի ինքնաօքսիդացումը-ինքնավերականգնումը.




Ուեակտիվներ՝ ֆորմալին, ինդիկատոր՝ մեթիլ կարմիր:

Փորձի ընթացքը: Փորձանոթի մեջ տեղավորել 4-6 կաթիլ ֆորմալին: Ավելացնել երկու կաթիլ մեթիլ կարմիր: Լուծույթը ներկվում է կարմիր՝ շնորհիվ մրջնաթթվի առկայության: Մերիլ կարմիրը պահպանում է կարմիր գույնը թթվային միջավայրում:

Փորձ 8. 2,4 դինիտրոֆենիլի նիտրոազոն ֆորմալդեհիդի առաջացումը.



Փորձի ընթացքը: Փորձանոթի մեջ լցնել 5 կաթիլ 2,4-դինիտրոֆենիլի նիտրոազին, ավելացնել 1-2 կաթիլ ֆորմալին մինչև դեղին նստվածքի առաջացումը.



Փորձ 9. Կետոններ: Ացետոնի հայտնաբերումը հալոֆորմային ռեակցիայով

$\text{CH}_3-\underset{\text{O}}{\overset{||}{\text{C}}}-\text{R}$ տիպի միացությունները ($\text{R}=\text{H, Alk}$) հալոգենի

հետ առաջացնում են եռհալոգենկարբոնիլային միացություններ, որոնք հեշտ ճեղքվում են ալկալիով՝ առաջացնելով հալոֆորմ:



յոդոֆորմ

Ուեակտիվներ՝ յոդի լուծույթ, NaOH -ի լուծույթ, ացետոն:

Փորձի ընթացքը: Փորձանոթի մեջ լցնել 4-6 կաթիլ յոդի լուծույթ և կաթիլ-կաթիլ ավելացնել նատրիումի հիդրօքսիդի լուծույթ մինչև յոդի գույնը անհետանա: Ստացված անգույն լուծույթին ավելացնել 4 կաթիլ ացետոն: Որոշ ժամանակից հետո գոյանում է յոդոֆորմի բաց դեղին, յուրահասուուկ հոտով նստվածք: Այս ռեակցիան օգտագործվում է շաքարախտը ախտորոշելու համար (կետոնային մարմինները հայտնաբերելու համար):



Լաբորատոր աշխատանք 3

Կարբոնաթթուներ և դրանց ածանցյալները

Նպատակը.

Ուսումնասիրել կարբոնաթթուների քիմիական հատկությունները, քանի որ թթուները և դրանց ածանցյալները կենսաքիմիական համակարգերում մասնակցում են մի շարք կարևոր պրոցեսներին: Առավել հաճախ հանդես են գալիս ակտիվ, ացիլ-CoA- ի ձևով.

Փորձ 10. Քացախաթթվի հայտնաբերումը.




Ուսակտիվներ՝ քացախաթթու, լակմուսի թուղթ, նատրիումի հիդրօքսիդի 10%-անոց լուծույթ, երկաթի (III) հիդրօքսիդի 1%-անոց լուծույթ:

Փորձի ընթացքը: 5 կաթիլ քացախաթթվին ավելացնել ջուր: Լակմուսով ստուգել լուծույթի ոււակցիան: Ավելացնել 4-6 կաթիլ նատրիումի հիդրօքսիդի լուծույթ մինչև քացախաթթուն լրիվ չեզոքանա: Ավելացնել 2-3 կաթիլ FeCl_3 -ի լուծույթ: Առաջանում է դեղնակարմրավուն երկաթի (III) ացետատ: Լուծույթը տաքացնել մինչև եռալը: Հիդրոլիզի արդյունքում անջատվում է երկաթի (III) հիդրօքսիացետատի կարմրագորշ նստվածք:

Փորձ 11. Բարձրակարգ ձարպաթթուների կալցիումական անլուծելի աղերի առաջացումը.

Բարձրակարգ ձարպաթթուների կալցիումական և մագնեզիումական աղերը ջրում անլուծելի են: Սա է պատճառը, որ օճառը կոշտ ջրում չի փրփրում.



Ուսակտիվներ՝ օճառի լուծույթ, կալցիումի քլորիդի 5%-անոց լուծույթ:


Փորձի ընթացքը: Փորձանոթի մեջ լցնել 6-8 կաթիլ օճառի լուծույթ և ավելացնել 2-4 կաթիլ կալցիումի քլորիդի լուծույթ:

Թափահարել փորձանոթի պարունակությունը: Նկատվում է սպիտակ նստվածքի առաջացում:

Փորձ 12. Օքսալաթթվի (թրթնջկաթթվի) հայտնաբերումը կալցիումական աղի ձևով.

Օքսալաթթուն՝ HOOC-COOH, մեծ քանակներով հայտնաբերվել է թրթնջուկում և բեգոնիայում: Օքսալաթթվի աղերը կոչվում են օքսալատներ: Մի շարք մետաղների իոններ օքսալաթթվի հետ առաջացնում են անլուծելի աղեր, որոնցից առավել կարևոր նշանակություն ունի կալցիումի օքսալատը, որը երիկամներում և լեղապարկում քարերի առաջացման պատճառներից մեկն է:

Նատրիումի օքսալատը լայն կիրառություն ունի կլինիկական լաբորատորիաներում արյան հետազոտությունների ժամանակ: Այն կանխում է արյան մակարդելիությունը *in vitro*՝ կապելով Ca^{2+} իոնները (մակարդելիության IV գործոնը՝ դրանք վերածելով թույլ դիսոցվող միացության):



Ուեակտիվներ՝ բյուրեղական օքսալաթթու, կալցիումի քլորիդի 5%-անոց լուծույթ:

Փորձի ընթացքը: Օքսալաթթվի բյուրեղներին ($\text{H}_2\text{C}_2\text{O}_4 \cdot 2\text{H}_2\text{O}$) ավելացնել 3-4 կարգի ջուր մինչև լուծվելը: Ստացված լուծույթից մեկ կարգի տեղավորել առարկայական ապակու վրա և ավելացնել մեկ կարգի կալցիումի քլորիդի լուծույթ: Առաջանում է բյուրեղական նստվածք:


Լաբորատոր աշխատանք 4 Սպիտակաթթուներ

Նպատակը.

Զևավորել գիտելիքներ ալիֆատիկ հետերոֆունկցիոնալ միացությունների տարածական կառուցվածքի և յուրահատուկ

քիմիական հատկությունների վերաբերյալ՝ իբրև հիմք, օրգանիզմում դրանց մետաբոլիկ փոխարկումները հասկանալու համար:

Փորձ 13. 1. Գինեթթվի մոլեկուլում երկու կարբօքսիլ խմբերի առկայության ապացուցումը.




կալիումի հիդրոտարտրատ
սպիտակ նստվածք

կալիումի
տարտրատ

Ուեակտիվներ՝ գինեթթվի 15%-անոց լուծույթ, կալիումի հիդրօքսիդի 5%-անոց լուծույթ:

Փորձի ընթացքը: Երկու կաթիլ գինեթթվի լուծույթին ավելացնել չորս կաթիլ կալիումի հիդրօքսիդի լուծույթ և թափահարել: Թողնել հանգիստ վիճակում: Նկատվում է կալիումի հիդրոտարտրատի (թթվային աղ) սպիտակ բյուրեղների առաջացում (եթե նստվածքը դժվար է առաջանալ, ապակե ձողիկով թերթնակի շփել փորձանորթի պատը): Այնուհետև ավելացնել 4-5 կայժիլ կալիումի հիդրօքսիդի լուծույթ: Աստիճանաբար նստվածքը լուծվում է՝ առաջացնելով գինեթթվի միջին աղը (կալիումի տարտրատ), որը լավ լուծվում է ջրում: Լուծույթը պահել հաջորդ փորձի համար:

Փորձ 14. 2. Գինեթթվի մոլեկուլում երկու հարևան հիդրօքսիլ խմբերի առկայության ապացուցումը.






կապույտ լուծույթ
(Ֆելինգի ռեակտիվ)

Ուեակտիվներ՝ պղնձի սուֆատի 2%-անոց լուծույթ, նատրիումի հիդրօքսիդի 10%-անոց լուծույթ, կալիումի տարտրատի լուծույթ:

Փորձի ընթացքը: Երկու փորձանոթի մեջ լցնել 4-ական կաթիլ պղնձի սուլֆատի 2%-անց և նատրիումի հիդրօքսիդի 10%-անց լուծույթներ: Առաջանում է դոնդողանման կապույտ նստվածք: Առաջին փորձանոթի մեջ ավելացնել կալիումի տարտրատի լուծույթը, որը ստացվել է առաջին փորձի արդյունքում: Պղնձի հիդրօքսիդի նստվածքը աստիճանաբար լուծվում է՝ առաջացնելով կապույտ լուծույթ: Երկու փորձանոթների լուծույթները տաքացնել մինչև եռալը: Առաջին փորձանոթում գույնի փոփոխություն չի նկատվում, իսկ երկրորդ փորձանոթի կապույտ նստվածքը վերածվում է սև CuO-ի: Առաջին փորձանոթում ստացված պղնձի կոմպլեքս աղի լուծույթը հայտնի է որպես Ֆելինզի ռեակտիվ և օգտագործվում է մեզի մեջ զյուկոզը հայտնաբերելու համար:

Փորձ 15. Կիտրոնաթթվի կառուցվածքի ապացուցումը.

Կիտրոնաթթուն α-հիդրօքսիթթու է և $H_2SO_4(\text{իդ})$ -ի հետ տաքացնելիս քայրայվում է՝ առաջացնելով ացետոն:



յոդոֆորմ

Ռեակտիվներ՝ կիտրոնաթթու, խիտ H_2SO_4 , NaOH -ի 10%-անց լուծույթ:

Փորձի ընթացքը: Չոր փորձանոթի մեջ, որն ունի զազատար խողովակ, տեղափորել կիտրոնաթթվի բյուրեղներ, 10 կաթիլ խիտ ծծմբական թթու և տաքացնել: Գազատար խողովակի ծայրը իջեցնել 10 կաթիլ $Ba(OH)_2$ -ով լցված փորձանոթի մեջ: Նկատվում է լուծույթի պղտորում: Գազատար խողովակի ծայրը հանել և իջեցնել երկրորդ փորձանոթի մեջ, որտեղ լցված է 4 կաթիլ յոդի լուծույթ, այնուհետև ավելացնել $NaOH$ -ի լուծույթ: Երկրորդ փորձանոթում նկատվում է բնորոշ հոտով բաց դեղնավուն յոդոֆորմի նստվածքի առաջացումը:

Լաբորատոր աշխատանք 5

Ամինաթթուներ և պեպտիդներ


Սպիտակուցները կենդանի օրգանիզմի կառուցվածքային հիմքն են: Սպիտակուցները α -ամինաթթուների պոլիկոնդենսացման արդյունքն են: Ամինաթթուների կառուցվածքի և հատկությունների իմացությունը անհրաժեշտ է սպիտակուցների կենսաբանական ֆունկցիաները ուսումնասիրելու համար:

Նպատակը.

Ուսումնասիրել կարևորագույն α -ամինաթթուների հատկությունները, ինչպես նաև սպիտակուցների հետազոտման ժամանակ կիրառվող որակական ռեակցիաները:

Փորձ 16. 1. Գլիցինի ռեակցիան նինհիդրինի հետ

Նինհիդրինի հետ ռեակցիան α -ամինաթթուների հայտնաբերման համընդհանուր ռեակցիա է.





Ռեակտիվներ՝ գլիցինի ($\text{NH}_2 - \text{CH}_2 - \text{C}(\text{O})_2\text{OH}$) 1%-անոց լուծույթ,

նինհիդրինի (O=C(OCC(=O)c1ccccc1)C(=O)c2ccccc2) 0,1%-անոց լուծույթ:

Փորձի ընթացքը: Փորձանոթում լցնել 4 կաթիլ գլիցինի լուծույթ և երկու կաթիլ նինհիդրինի լուծույթ: Փորձանոթի պարունակությունը զգուշորեն տաքացնել մինչև կապտամանուշակագույնի առաջացումը:

Փորձ 17. 2. Գլիցինի ռեակցիան ֆորմալդեհիդի հետ.






Ուեակտիվներ՝ զլիցինի 1%-անոց լուծույթ, մեթիլ կարմիր ինդիկատոր:

Փորձի ընթացքը: Փորձանոթի մեջ լցնել 5 կաթիլ զլիցինի լուծույթ և ավելացնել 1 կաթիլ մեթիլ կարմիր ինդիկատոր: Լուծույթը ներկվում է դեղին (չեղոք միջավայր): Ամինաթթուն լուծույթում հանդես է գալիս երկրսեռ իոնի, կատիոնային և անիոնային ձևերի հավասարակշռային խառնուրդի տեսքով: Ստացված լուծույթին ավելացնել նույն ծավալով ֆորմալին: Լուծույթի դեղին գույնը փոխվում է կարմրի (թթվային միջավայր)՝ շնորհիվ ազատ կարբօքսիլ խմբերի, որոնց քանակը որոշվում է հայտնի կոնցենտրացիայի ալկալու լուծույթով տիտրելիս (ֆորմոլային տիտրման՝ Սերենսենի եղանակ):

Փորձ 18. 3. Ծծումբ պարունակող ամինաթթուների՝ ցիստեհինի հայտնաբերումը (Ֆոլի ռեակցիա)

Փոխազդեցությունը կապարի աղերի հետ որակական ռեակցիա է ցիստեհինի մնացորդները սպիտակուցի մոլեկուլում հայտնաբերելու համար.





Ուեակտիվներ՝ սպիտակուցի լուծույթ, ցիստեհինի 1%-անոց լուծույթ, կապարի ացետատի $(\text{CH}_3\text{COO})_2\text{Pb}$ 10%-անոց լուծույթ, NaOH -ի 10 % լուծույթ:

Փորձի ընթացքը: Փորձանոթներից մեկի մեջ լցնել 10 կաթիլ ձվի սպիտակուցի լուծույթ, իսկ երկրորդի մեջ՝ 10 կաթիլ ցիստեհինի 1%-անոց լուծույթ: Յուրաքանչյուր փորձանոթի մեջ ավելացնել NaOH -ի 4 կաթիլ լուծույթ, տաքացնել մինչև եռալը և ավելացնել երկուական կաթիլ կապարի ացետատի լուծույթ. առաջանում է

սպիտակ նստվածք: Եռացնել երկու փորձանոթները: Առաջանում է կապարի սուլֆիդի և նստվածք:

Լաբորատոր աշխատանք 6

Փորձ 19. Բիուրետային ռեակցիա



Ռեակտիվներ՝ կարբամիդ, NaOH -ի 10%-անոց և CuSO_4 -ի 2%-անոց լուծույթներ:

Փորձի ընթացք: Փորձանոթի մեջ լցնել մոտ 0,5գ միզանյութ և զգույշ տաքացնել բաց կրակի վրա: Միզանյութը հալչում է՝ անջատելով ամոնիակ: Տաքացումը շարունակել մինչև նյութը նորից պնդանս: Տաքացումը դադարեցնել և նյութը սառեցնել, դրա վրա ավելացնել 2-3մլ գոլ ջուր, թափահարել և զգույշ դեկանտել մեկ այլ փորձանոթի մեջ: Ստացված բիուրետի լուծույթին ավելացնել 3-4 կաթիլ ալկալու լուծույթ (մինչև լուծույթը դառնա թափանցիկ) և մեկ կաթիլ պղնձի սուլֆատի լուծույթ: Լուծույթը ներկվում է մանուշակագույն: Բիուրետային ռեակցիա տալիս են բոլոր այն նյութերը, որոնք ունեն առնվազն երկու ամիդային $-\text{C}(=\text{O})-\text{NH}-$ խումբ:

Վերջինս ռեակցիայի մեջ է մտնում տառւտոսմեր՝ $-\text{C}(=\text{O})-\text{NH}-$ ձևով:

Բիուրետային ռեակցիայով հայտնաբերում են պեպտիդային կապերը սպիտակուցներում և պեպտիդներում: Այն կիրառվում է կլինիկաախտորոշիչ լաբորատորիաներում՝ մեզում սպիտակուցը հայտնաբերելու համար:


Փորձ 20. Պեպտիդային կապի հայտնաբերումը քիուրետային ռեակցիայով

Ուեակտիվներ՝ ձվի սպիտակուցի լուծույթ, CuSO_4 2%-անց լուծույթ և NaOH 10%-անց լուծույթ:

Փորձի ընթացքը: Փորձանոթի մեջ տեղավորել 10-12 կաթիլ ձվի սպիտակուցի լուծույթ, ավելացնել նույն ծավալով NaOH -ի 10%-անց լուծույթ և զգուշորեն պատով սահեցնելով՝ ավելացնել 2-4 կաթիլ CuSO_4 -ի լուծույթ: Նկատվում է կապտամանուշակագույն գունավորում:

Փորձ 21. Թիրոզինի հայտնաբերումը բանտոպրոտոնային ռեակցիայով.

Քսանստոպրոտոնային ռեակցիան օգտագործվում է արոմատիկ օղակ պարունակող (ֆենիլալանին, թիրոզին) α -ամինաթթուները հայտնաբերելու համար.



Ուեակտիվներ՝ թիրոզինի ($\text{HO}-\text{C}_6\text{H}_4-\text{CH}_2-\text{CH}-\text{COOH}$) 1%-անց լուծույթ, ազոտական թթվի խիտ լուծույթ, ամոնիակի լուծույթ:

Փորձի ընթացքը: Փորձանոթի մեջ լցնել 5 կաթիլ թիրոզինի լուծույթ և ավելացնել 3 կաթիլ խիտ ազոտական թթվի լուծույթ: Խառնուրդը տաքացնել մինչև դեղին գույնի ի հայտ գալը: Փորձանոթը սառեցնել և կաթիլ-կաթիլ ավելացնել ամոնիակի լուծույթ մինչև նարնջագույնի ի հայտ գալը:


Փորձ 22. Սպիտակուցի բանտոպրոտոնային ռեակցիան.

Ուեակտիվներ՝ NaOH -ի 10%-անց լուծույթ, ձվի սպիտակուցի լուծույթ, խիտ ազոտական թթվի լուծույթ:

Փորձի ընթացք: Փորձանոթի մեջ լցնել 10 կաթիլ ձվի սպիտակուցի լուծույթ և 2 կաթիլ խիտ ազոտական թթու: Փորձանոթի պարունակությունը զգուշությամբ տաքացնել և թափահարել: Լուծույթը և նստվածքը ներկվում են դեղին գույնով: Սառեցնել փորձանոթը և զգուշորեն ավելացնել 1-3 կաթիլ NaOH-ի լուծույթ մինչև վառ նարնջագույնի առաջացումը:

Փորձ 23. Գլիցինի հետ պղնձի կոմպլեքս աղի (համալիր) առաջացումը.

α-ամինաթթուները թարմ ստացված Cu(OH)₂-ի հետ առաջացնում են խելատային կապույտ կոմպլեքս:




Ունակութիվներ՝ գլիցինի 1%-անց լուծույթ, չոր CuCO₃:

Փորձի ընթացք: Փորձանոթի մեջ լցնել 1մլ գլիցինի լուծույթ, թիակի ծայրով ավելացնել չոր CuCO₃ և տաքացնել. առաջանում է կապույտ լուծույթ:

Հետերոցիկլիկ ամինաթթուներ: Աղամկնիչի ռեակցիան

Փորձ 24. Տրիպտոֆանի ($\beta\beta'$ ինդոլիլ α -ամինապրոպիլնաթթու) փոխազդեցությունը գլիօքսալաթթվի հետ.



տրիպտոֆան

տրիպտոֆանի կոնդենսացման արդյունքը
գլիօքսալաթթվի հետ (կարմիր)

Ուեակտիվներ՝ ձվի սպիտակուցի 1%-անոց լուծույթ, ժելատինի 1%-անոց լուծույթ, քացախաթթվի խիտ լուծույթ, H_2SO_4 -ի խիտ լուծույթ:

Փորձի ընթացք: Վերցնել երկու փորձանոթ, մեկի մեջ լցնել 5 կաթիլ ձվի սպիտակուցի 1%-անոց լուծույթ, մյուսի մեջ՝ 5 կաթիլ ժելատինի 1%-անոց լուծույթ: Երկու փորձանոթների մեջ ավելացնել 5-ական կաթիլ խիտ քացախաթթվի լուծույթ: Լուծույթները սկզբից թեթևակի (մարմանդ) տաքացնել և հետո սառեցնել, փորձանոթների պատերին զգուշությամբ ավելացնել 10 կաթիլ խիտ H_2SO_4 այնպես, որ լուծույթը չխառնվի: Ձվի սպիտակուց պարունակող փորձանոթում երկու շերտերի միջև նկատվում է կարմրամանուշակագույն օդակ: Փորձանոթի պարունակությունը ջրային բաղնիքի վրա տաքացնելիս կարմրամանուշակագույն օդակը ավելի նկատելի է դառնում: Ժելատին պարունակող փորձանոթում լուծույթը չի գունավորվում, որը հաստատում է, որ ժելատինում տրիպոտֆան չկա:

Լաբորատոր աշխատանք 7

Շաքարներ – ածխաջրեր


Շաքարները պոլիհիդրօքսիկարբոնիլային միացություններ են և դրսերում են հատկություններ, որոնք բնորոշ են ինչպես բազմատու սպիրտներին, այնպես էլ ալդեհիդներին, կետոններին:

Նպատակ.

Ուսումնասիրել մոնշաքարների կառուցվածքային առանձնահատկությունները և իհմնական քիմիական հատկությունները՝ օրգանիզմում դրանց մետաբոլիզմը ճիշտ հասկանալու համար:

Փորձ 25. 1. Գյուկոզի մոլեկուլում երկու հարևան հիդրօքսիլ խմբերի հայտնաբերումը.

Ինչպես բազմատու սպիրտները, այնպես էլ գյուկոզը, որոշ ծանր մետաղների հիդրօքսիդների (օրինակ՝ $Cu(OH)_2$) հետ առաջացնում է կոմպլեքս աղ.




կապույտ լուծույթ

Ոեակտիվներ՝ CuSO_4 -ի 2%-անոց լուծույթ, NaOH -ի 10%-անոց լուծույթ և գյուկոզի 0,5%-անոց լուծույթ:

Փորձի ընթացքը: Փորձանոթի մեջ լցնել 3 կաթիլ գյուկոզի 0,5%-անոց լուծույթ, 15 կաթիլ NaOH -ի լուծույթ, ավելացնել 3 կաթիլ CuSO_4 -ի լուծույթ: Առաջացող $\text{Cu}(\text{OH})_2$ -ի կապույտ նստվածքը արագ լուծվում է, և ստացվում է թափանցիկ կապույտ լուծույթ: Ստացված լուծույթը պահել հաջորդ փորձի համար:

Փորձ 26. 2. Պղնձի երկարժեք հիդրօքսիդի վերականգնումը գյուկոզով հիմնային միջավայրում (Տրոմերի ռեակցիան).

Գյուկոզը ալդեհիդների նման օքսիդանում է SnCl_2 և FeCl_3 ռեակտիվներով.




Ոեակտիվներ՝ նախորդ փորձում ստացված լուծույթը, ջուր:

Փորձի ընթացքը: Նախորդ փորձում ստացված լուծույթի վրա ավելացնել ջուր մինչև փորձանոթի պարունակությունը դառնա 10-15մլ: Փորձանոթի պարունակությունը տաքացնել սպիրտայրոցի վրա այնպես, որ տաքանա փորձանոթի վերին մասը (ներքևի մասը մնում է համեմատելու համար), տաքացնել մինչև եռալլ: Վերևի մասում լու-

ծույթի կապույտը փոխվում է դեղնակարմիքի՝ Cu₂O առաջանալու հետևանքով: Այս ռեակցիայով մեզում հայտնաբերում են զյուկողը:

Փորձ 27. 3. Արծաթի նիտրատի ամոնիակային լուծույթի վերականգնումը զյուկողով (արծաթահայելու ռեակցիա).



Ռեակտիվներ՝ AgNO₃ 5%-անց, NaOH 10%-անց, NH₃-ի 10%-անց լուծույթներ, զյուկողի 0,5%-անց լուծույթ:

Փորձի ընթացքը: Մաքուր փորձանոթի մեջ լցնել 2-4 կաթիլ AgNO₃-ի լուծույթ, ավելացնել 4 կաթիլ NaOH-ի լուծույթ և 6-8 կաթիլ ամոնիակի ջրային լուծույթ, մինչև առաջացած Ag₂O նստվածքի լուծվելը (ստացված թափանցիկ լուծույթը կոչվում է Տոլենսի ռեակտիվ): Այնուհետև ավելացնել 2-4 կաթիլ զյուկողի լուծույթ, թույլ տաքացնել փորձանոթի պարունակությունը մինչև մետաղական արծաթի սև նստվածքի անջատումը: Մետաղական արծաթը նստում է փորձանոթի պատերին՝ առաջացնելով հայելի:

Փորձ 28. Սելիվանովի ռեակցիան: Ալյոպենտոզները, ալդո- և կետոհեքսոզները ուժեղ հանքային թթվի հետ տաքացնելիս ենթարկվում են դեկտրատացման: Հեքսոզներից առաջանում է 5-հիդրօքսիմեթիլ ֆուրֆուրոլ, որը ռեզորցինի հետ տալիս է կարմիր գունավորում (Սելիվանովի ռեակցիա):

Ռեակտիվներ՝ ռեզորցին, խիտ աղաթու, ֆրուկտոզի 0,5%-անց լուծույթ:


Փորձի ընթացքը: Փորձանոթի մեջ տեղափորել ռեզորցինի մի քանի բյուրեղ և լցնել 4 կաթիլ խիտ աղաթու: Ավելացնել 4 կաթիլ ֆրուկտոզի լուծույթ և տաքացնել մինչև եռալլ: Աստիճանաբար հեղուկը ձեռք է բերում կարմիր գույն:

Լաբորատոր աշխատանք 8

Դի- և պոլիշաքարներ

Փորձ 29. 1. Սախարոզի հիդրոլիզը (ինվերսիա)

Սախարոզը թթվային միջավայրում հիդրոլիզվում է՝ առաջացնելով գլյուկոզ և ֆրուկտոզ.



αD-գլյուկոզիրանոզիլ-1,2-
- βD ֆրուկտոֆուրանոզիդ

գլյուկոզ

ֆրուկտոզ

Ուեկտիվներ՝ սախարոզի լուծույթ, նոսր H_2SO_4 , հիմքի լուծույթ,
Տրոմերի և Սելիվանովի ռեակտիվներ:

Փորձի ընթացք: Երկու փորձանոթներում առանձին-առանձին լցնել 8-10 կաթիլ սախարոզի 1%-անոց լուծույթ: Դրանցից յուրանքանչյուրին ավելացնել 4-6 կաթիլ ծծմբական թթվի նոսր լուծույթ, տարացնել ջրային բաղնիքում 8-10 րոպե, սպուզնել և հիմքով չեղոքացնել: Մեկի հետ կատարել Տրոմերի ռեակցիան. գլյուկոզը հայտնաբերելու համար, ավելացնել $CuSO_4$, $NaOH$ և տարացնել: Առաջանում է կարմիր նատվածք (Cu_2O): Մյուսին ավելացնել 3-4 կաթիլ Սելիվանովի ռեակտիվ (մի քանի բյուրեղ ռեզորցինի և 5 կաթիլ խիտ HCl -ի խառնուրդ), լուծույթը արագ ընդունում է վառ կարմիր գույն: Այս ռեակցիայով հայտնաբերում ենք կետոնիկանոց ֆրուկտոզը: Հիդրոլիզից հետո բևեռացված լույսի հարթության պտտման ուղղությունը լուծույթում փոխվում է. աջ պտտող սախարոզից առաջանում է ձախ պտտող խառնուրդ: Մինչև հիդրոլիզը $+66,5^\circ$, հիդրոլիզից հետո՝ $-40,5^\circ$ (D -ֆրուկտոզի պտտման անկյունն է $-93,5^\circ$, D -գլյուկոզինը՝ $+52,5^\circ$): Այդ պատճառով էլ այս ռեակցիան կոչվում է շաքարի ինվերսիա, իսկ սախարոզը՝ ինվերտային շաքար:

Փորձ 30. 2. Սախարոզի վերականգնող հատկության բացակայության ապացուցումը.


Սախարոզում գլիկոզիդային կապն առաջանում է զյուկոզի և ֆրուկտոզի կիսացետալային OH -ների հաշվին: Այդ պատճառով սախարոզը չի ունեցում Տոլենսի և Ֆելինզի ռեակտիվների հետ: Հետևաբար սախարոզը օժտված չէ վերականգնող հատկությամբ:

Ունեակտիվներ՝ սախարոզի 1%-անց լուծույթ, NaOH -ի 10%-անց լուծույթ և 2%-անց CuSO_4 -ի լուծույթ:


Փորձի ընթացքը: Փորձանորի մեջ լցնել 3 կաթիլ սախարոզի և 5 կաթիլ NaOH -ի լուծույթ, ավելացնել ջուր (մինչև հեղուկի այունը դառնա 15-20մլ): Հետո ավելացնել 3 կաթիլ CuSO_4 -ի լուծույթ: Առաջանում է կոմպլեքս աղի վառ կապույտ թափանցիկ լուծույթ: Զգուշորեն տաքացնել լուծույթի միայն վերին մասը, ներքինը թռղնել առանց տաքացնելու համեմատելու համար: Լուծույթի գույնը չի փոխվում:

Փորձ 31. 3. Լակտոզի վերականգնող հատկության ապացուցումը.

Լակտոզում գլիկոզիդային կապն առաջանում է գալակտոզի կիսացետալային և զյուկոզի սալիրտային OH -ի հաշվին: Լակտոզը վերականգնող դիսախարիդ է, ունեցիայի մեջ է մտնում Տոլենսի և Ֆելինզի ռեակտիվների հետ: Լուծույթում հանդես է գալիս ինչպես փակ, այնպես էլ բաց ձևերով:



$\beta\text{-D-գալակտոպիրանոզի}-1,4-\alpha\text{D}$ զյուկոպիրանոց



լակտաբիոնաթրոլ

Ուեակտիվներ՝ լակտոզի 1%-անց լուծույթ, NaOH-ի 10%-անց լուծույթ և CuSO₄-ի 2%-անց լուծույթ:

Փորձի ընթացքը: Փորձանոթի մեջ լցնել 3 կաթիլ լակտոզի լուծույթ և ավելացնել 10 կաթիլ NaOH-ի լուծույթ: Այնուհետև ավելացնել 3 կաթիլ CuSO₄-ի լուծույթ: Առաջանում է Cu(OH)₂-ի կապույտ նստվածք, որը թափահարելիս լուծվում է՝ փոխարկվելով լակտոզի կոմպեքսի Cu²⁺-ի հետ: Ստացվածին ավելացնել ջուր մինչև 18-20մլ հեղուկ ստանալը, զգուշորեն տաքացնել վերևի մասը մինչև եռալը, ներքեւ թռինել համեմատելու համար: Վերևի մասում նկատվում է դեղնակարմիր նստվածքի (Cu₂O) առաջացում:


Փորձ 32. 4. Օսլայի որակական հայտնաբերումը

Ուեակտիվներ՝ օսլայի 0,5%-անց լուծույթ և I₂-ի նոսր լուծույթ:

Փորձի ընթացքը: Փորձանոթի մեջ լցնել 10 կաթիլ օսլայի լուծույթ և երկու կաթիլ յոդի նոսր լուծույթ: Լուծույթը ներկվում է կապույտ գույնով: Տաքացնելիս լուծույթը գունաթափվում է: Լուծույթը սառեցնելիս վերականգնվում է կապույտ գույնը:

Փորձ 33. 5. Օսլայի հիդրոլիզը թթվային միջավայրում

Ուեակտիվներ՝ I₂ նոսր լուծույթ, NaOH-ի 10%-անց լուծույթ, CuSO₄-ի 2%-անց լուծույթ, H₂SO₄-ի 2N լուծույթ, օսլայի 0,5%-անց լուծույթ.



Փորձի ընթացքը: Փորձանոթի մեջ լցնել 2-4 կաթիլ օսլայի լուծույթ: Ավելացնել 4 կաթիլ H₂SO₄-ի լուծույթ և փորձանոթը տեղավորել եռացող ջրային բաղնիքի մեջ: Տաքացնել 10-15 րոպե, ապա կաթոցիկի օգնությամբ վերցնել 1-2 կաթիլ, կաթեցնել առարկայական ապակու վրա և ավելացնել 1 կաթիլ շատ նոսր յոդի լուծույթ (KI մեջ): Կապույտի բացակայությունը ապացուցում է օսլայի բացակայությունը և հիդրոլիզի վերջը: Հիդրոլիզը ավարտվելուց հետո չեղոքացնել հիմքով (≈ 5 կաթիլ NaOH), ապա ավելացնել 1 կաթիլ CuSO₄ լուծույթ և տաքացնել: Առաջանում է աղյուսակարմիր (Cu₂O) նստվածք: Օսլան հիդրոլիզվելիս վեր է ածվում գյուկոզի, որը փոխազդում է Տրոմերի ուեակտիվի հետ:

Լարորատոր աշխատանք 9

Ճարպեր: Ճարպաթթուների ամիդներ

Նպատակը.


Ուսումնասիրել օճառացվող լիպիդների կառուցվածքը և քիմիական հատկությունները՝ կենսաթաղանթների և լիպիդային փոխանակումը ուսումնասիրելու նպատակով:

Փորձ 34. Հեղուկ յուղերի և պինդ ճարպերի լուծելիությունը սպիրտում.

Փորձի ընթացքը: Վերցնել երկու փորձանոթ, մեկի մեջ լցնել 2-4 կաթիլ արևածաղկի յուղ, մյուսի մեջ տեղավորել կենդանական ճարպի փոքրիկ կտոր: Երկուափն էլ ավելացնել 8-10 կաթիլ էթիլ սպիրտ, լավ թափահարել և թողնել՝ հանգստանա: Առաջինում ստացվում է պղտոր լուծույթ՝ յուղի սպիրտային էմուլսիա, իսկ երկրորդում՝ ճարպը լուծվում է սպիրտում: Երկրորդ փորձանոթի մեջ մեկ կաթիլ ջուր ավելացնելիս լուծույթը պղտորվում է: Առաջին փորձանոթի մեջ ավելացնել նույն քանակությամբ էթիլ սպիրտ, նորից թափահարել լուծույթը չի պարզվում: Դա նշանակում է, որ արևածաղկի յուղը սառը պայմաններում, սպիրտում վատ է լուծվում: Այդ փորձանոթը զգուշ տաքացնել. նկատվում է, որ պղտոր լուծույթը պարզվում է, իսկ սառեցնելիս նորից պղտորվում է: Հետևաբար զերմաստիճանը բարձրացնելիս արևածաղկի յուղի լուծելիությունը մեծանում է:

Փորձ 35. Ճարպի հիդրոլիզը (Ճարպերի օճառացում).

Հիդրոլիզը հիմնային միջավայրում կոչվում է օճառացում, քանի որ առաջանում են ճարպաթթուների աղեր՝ օճառներ.



Ուսակտիվներ՝ բուսական յուղ, NaOH-ի 40%-անց լուծույթ և ջուր:

Փորձի ընթացքը: Փորձանոթի մեջ տեղավորել 4-6 կաթիլ բուսական յուղ, 15-20 կաթիլ NaOH-ի լուծույթ, զգուշորեն տաքացնել անընդհատ թափահարելով: Ժամանակ առ ժամանակ ավելացնել 4-5 կաթիլ ջուր: Խառնուրդը եռացնել 4-5 րոպե և հիդրոլիզատի նմուշը լուծել ջրում: Եթե այն լուծվում է, նշանակում է՝ հիդրոլիզը ավարտված է: Այս եղանակով որոշում են օճառացման թիվը: Օճառացման թիվ ասելով՝ հասկանում ենք կախումի հիդրօքսիդի միջգրամների այն քանակը, որն անհրաժեշտ է 1գ ձարպի հիդրոլիզից առաջացած թթուները չեղոքացնելու համար:

Փորձ 36. Ձարպի թթվայնության որոշումը

Փորձի ընթացքը: Վերցնել երկու փորձանոթ, առաջինի մեջ լցնել 2-3 կաթիլ թարմ ձեթ, երկրորդի մեջ՝ 2-3 կաթիլ կծված ձեթ: Այնուհետև երկուսին էլ ավելացնել 4-5 կաթիլ ջլորոֆորմ, 5-6 կաթիլ ջուր, մեկ կաթիլ ֆենոլֆտալեին: Փորձանոթները թափահարել և յուրաքանչյուր փորձանոթի մեջ բյուրեսից կաթիլներով ավելացնել 1%-անոց Na₂CO₃-ի լուծույթ այնքան, որ առաջանա վարդագույն շանհետացող գունավորում: Շախսված սոդայի քանակով որոշում են ձարպի թթվայնության աստիճանը:

ԳՐԱԿԱՆՈՒԹՅՈՒՆ

1. Артемьева Н. Н., Белобородое В. Л., Еремин С. К. и др. **Руководство к лабораторным занятиям по биоорганической химии/ Под ред. Н. А. Тюкавкиной.**— М.: Медицина, 1985, 256 с.
2. L. G. Wade, Jr. Organic Chemistry. 4ht edition, Prentice-Hall, New Jersy, 1999, 1221p.
3. Bhagavan N. V. Medical Biochemistry. 4ht edition, Harcourt Academic press, Canada, 2002, 1016 p.
4. Մելքոնյան Մ.Ս: Կենսաօրգանական քիմիա: Դասագիրք: -Երևան, - 1998, - 204էջ, 2-րդ հրատարակություն, 2005, - 192էջ:

Բովանդակություն

Անվտանգության կանոնները և աշխատանքի կարգը քիմիական լաբորատորիայում -----	4
Քիմիական ամանեղեն և որոշ սարքավորումներ-----	5
Լաբորատոր աշխատանք 1 -----	7
Օրգանական նյութերի օքսիդացումը, օրգանական նյութերի թթվահիմնային հատկությունները -----	7
Փորձ 1. -----	7
Փորձ 2. -----	8
Փորձ 3. -----	8
Փորձ 4. -----	9
Փորձ 5. -----	10
Լաբորատոր աշխատանք 2 -----	10
Ալդեհիդներ և կետոններ 10	
Փորձ 6. -----	10
Փորձ 7. -----	11
Փորձ 8. -----	12
Փորձ 9. -----	12
Լաբորատոր աշխատանք 3 -----	13
Կարբոնաթթուներ և դրանց ածանցյալներ-----	13
Փորձ 10. -----	13
Փորձ 11. -----	13
Փորձ 12. -----	14
Լաբորատոր աշխատանք 4 -----	14
Սալիւտաթթուներ -----	14
Փորձ 13. -----	15
Փորձ 14. -----	15
Փորձ 15. -----	16
Լաբորատոր աշխատանք 5 -----	17
Ամինաթթուներ և պեպտիդներ -----	17
Փորձ 16. -----	17

Փորձ 17.	17
Փորձ 18.	18
Լաբորատոր աշխատանք 6	19
Փորձ 19.	19
Փորձ 20.	20
Փորձ 21.	20
Փորձ 22.	20
Փորձ 23.	21
Հետերոցիկլիկ ամինաթթուներ:	
Աղամկվիչի ռեակցիան	21
Փորձ 24.	21
Լաբորատոր աշխատանք 7	22
Շաքարներ – ածխաջրեր	22
Փորձ 25.	22
Փորձ 26.	23
Փորձ 27.	24
Փորձ 28.	24
Լաբորատոր աշխատանք 8	25
Դի- և պրլիշաքարներ	25
Փորձ 29.	25
Փորձ 30.	25
Փորձ 31.	26
Փորձ 32.	27
Փորձ 33.	28
Լաբորատոր աշխատանք 9	28
Ճարպեր: Ճարպաթթուների ամիդներ	28
Փորձ 34.	28
Փորձ 35.	28
Փորձ 36.	29
ԳՐԱԿԱՆՈՒԹՅՈՒՆ	30